



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCII. ad annum CCCCXXX.

**Parisiis, 1644**

XI. Vt curiales clerici non ordinentur.

**urn:nbn:de:hbz:466:1-14918**

Paulus ad Corinthios scribit dicens: *Abstinete vos ad tem-* <sup>1. Cor. 7.</sup>  
*pis, ut vacatis orationi;* & hoc vtique laicis præcepit: multo  
 magis sacerdotes, quibus & orandi & sacrificandi iuge  
 officium est, semper debebunt ab huiusmodi consortio  
 abstinere. *Quod si contaminatus fuerit carnali concipi-*  
*scentia, quo pudore sacrificare usurpabit, aut qua con-*  
*scientia, quove merito exaudiri posse se credit, cum di-*  
*ctum sit: Omnia munda mundis, coquinatis autem & infideli-* <sup>2. Thess. 1.</sup>  
*bus nihil mundum?* Sed fortasse licere hoc credit, quia scri-  
 ptum est: *Unius uxoris virum.* Non permanentem in con- <sup>1. Tim. 3.</sup>  
 cupiscentia generandi dixit, sed propter futuram conti-  
 nentiam. Neque enim integros corpore non admisit, qui  
 ait: *Vellem autem omnes sic esse, sicut & ego.* Quod apertius de- <sup>1. Cor. 7.</sup>  
 clarat, sic dicens: *Qui autem in carne sunt, Deo placere non pos-* <sup>Rom. 8.</sup>  
*sunt: vos autem iam non estis in carne, sed in spiritu.*

## X.

De monachis, qui diu morantes in monasteriis postea <sup>16. q. 1. De</sup>  
 ad clericatus ordinem peruerint, non debere eos a priori  
 re proposito deuiare. Aut enim sicut in monasterio fuit,  
 & quod diu seruauit, id in meliore gradu positus amitte-  
 re non debet: aut si corruptus, postea baptizatus, in mo-  
 nasterio sedens ad clericatus ordinem accedere voluerit,  
 vxorem omnino habere non poterit: quia nec benedici  
 cum sponsa potestiam corruptus. *Quæ forma seruatur in*  
*clericis, maxime cum vetus regula hoc habeat, ut qui-*  
*quis corruptus baptizatus clericus esse voluisset, sponde-*  
*ret se vxorem omnino non ducere.*

## XI.

Præterea frequenter quidam e fratribus nostris curia- <sup>Diss. 51. Præterea</sup>  
 les, vel quibuslibet publicis functionibus occupatos, cle- <sup>frequenter.</sup>  
 ricos facere contendunt: quibus postea maior tristitia,  
 cum de reuocandis eis aliquid ab imperatore præcipitur,  
 quam gratia de adscito nascitur. Constat enim eos in ipsis  
 muniis etiam voluptates exhibere, quas a diabolo inuen-  
 tas esse non dubium est, & ludorum vel munierum appa-  
 ratibus aut præesse, aut interesse. Sit certe in exemplum  
 sollicitudo & tristitia fratrum, quam saepe pertulimus, im-  
 peratore præsente, cum pro his saepius rogaremus. quam  
 ipse nobiscum positus cognouisti. quibus non solum in-  
 fieriores clerci ex curialibus, verum etiam iam in sacerdo-

tio constituti, ingens molestia vt redderetur imminebat.

## XII.

<sup>17. qu. 1.</sup>  
Quo Chri-  
sto spiritali-  
ter.

Item quæ Christo spiritaliter nupserunt, & velari a sacerdote meruerunt, si postea vel publice nupserint, vel se clanculo corruperint, non eas admittendas esse ad agendam pœnitentiam, nisi is, cui se iunxerant, de sæculo recesserit. Si enim de omnibus hæc ratio custoditur, vt quæcumque viuente viro alteri nupserit, habeatur adultera, nec ei agenda pœnitentiæ licentia concedatur, nisi unus ex eis fuerit defunctus: quanto & illa magis tenenda est, quæ ante immortali se sponso coniunxerat, & postea ad humanas nuptias transmigravit?

## XIII.

<sup>17. qu. 1.</sup>  
Hæ vero  
quæ non-  
dum.

<sup>1. Tim. 5.</sup>

Hæ vero quæ necdum sacro velamine tectæ, tamen in proposito virginali semper manere promiserant, licet veletæ non sint, si forte nupserint, his agenda aliquanto tempore pœnitentia est, quia sponsio earum a Deo tenebatur. Nam si inter homines solet bonæ fidei contractus nulla ratione dissolui, quanto magis ista pollicitatio, quam cum Deo pepigerit virgo, solui sine vindicta non debet? Nam si Apostolus Paulus quæ a proposito viduitatis discesserunt, dixit eas habere condemnationem, quia primam fidem irritam fecerunt, quanto magis virgines, quæ prioris promissionis fidem frangere sunt visæ?

<sup>Philip. 2.</sup>

Hæ itaque regula, frater carissime, si plena vigilantia fuerit ab omnibus Dei sacerdotibus obseruata, cessabit ambitio, dissensio conquiescat, hæreses & schismata non emergent, locum non accipiet diabolus sauiendi: manebit vnanimitas, iniquitas superata calcabitur, veritas spiritali feruore flagrabit, pax prædicata labiis cum voluntate animæ concordabit: implebitur & dictum Apostoli, *ut vnamimes, unum sentientes permaneamus in Christo, nihil per contentionem nobis, neque per inanem gloriam vendicantes*, non hominibus sed Deo nostro saluatori placentes, cui est honor & gloria in sæcula sæculorum. Datum 15. Kalendas Martias, Honorio Augusto VI. & Aristæneto viris clarissimis consulibus.

## N O T A E.

<sup>Quo tēpo-  
re quave  
occatione</sup>

<sup>a Epistola.]</sup> Hanc decretalem epistolam Innocentius anno pontificatus sui tertio, qui est Christi 404. Vietricio Rothomagensi Episcopo,